



Indgået

23 FEB. 2017

Ineqi Kielsen

Inatsisartunut ilaasortaq, Siumut

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqu 73, IT'eqarnikkut isumannaallisaanermut tunngasoq

Allakkat ulluat:22/2-2017

Asasara Ineqi Kielsen,

Suliap nr.-a
2017 - 3302
Akt. nr. 4537277

Pisortat ingerlatsiviini IT'eqarnikkut isumannaallisaaneq pillugu Inatsisartut suleriaasiat naapertorlugu apeqquteqaatinnut qujanaq. Apeqqutitit matuma ataani akissavakka.

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Apeqqu 1: Naalakkersuisut qarasaasiatigut illersornissaq pillugu qanoq annertutigisumik pitsaassutsimik pigisaqarpat?

Akissut: IT'eqarnikkut isumannaallisaaneq Europami pisortat suliffeqarfiini sanilliufigisinnaasatsit qaffasitsigisumik inissisimasoq nalilernerqarpoq, IT'eqarnikkut ingerlatsinermi ataatsimoortumik isumannaatsuutitsinissamut illersuinissamullu periutsinik arlalinnik pigisaqaratta. Ajalusoornissaq pinngitsortinniarlugu IT'eqarnikkut isumannaallisaaneq sakkortuseqqinneqarnikuvoq.

Qitiusumik attaveqaasersuutit ulloq unnuarlu nakkutilliinermut qitiusoqarfimmi, ingerlatsinermik pisiortorfitsinnit TeleGreenlandimit, nakkutigineqarput. Tassanngaanniit Digitalimik Sullissinermut Aqutsisoqarfiup IT'eqarnermut immikkoortortaanut kalerrisaarisooqartarpoq, ajoqusiiniartoqartillugu taakku illersuutissanik suliaqarlutillu pisariaqartitsineq naapertorlugu akiuinissamut iliuuseqassallutik.

Apeqqu 2: Naalakkersuisut qarasaasiatigut peqquserluffigineqannginnissamik pinaveersaartitsinerat pitsanngorsarniarneqarpa?

Akissut: Naalakkersuisuni isumannaatsuutitsinissamik annertusaanermik sulineq ingerlaavartumik ingerlasuvoq, ineriartornermut malinnaatinneqartoq.

IT'eqarnikkut isumannaallisaanermi aarlerinaatit annerpaartaat sulisut ataasiakkaat attaveqaatinik atuineraniimmat pingaaruteqarpoq sulisut attaveqaatinik atuinerminni isumannaallisaanikkut aarlerinaataasinnaasunik kinguneqartitsinnaanermik eqqumaffiginninnsaat. Tamanna tunngavigalugu Digitalimik Sullissinermut Aqutsisoqarfik Namminersorlutik Oqartussani sulisunut ingerlaavartumik ilinniartitsisarnissamik qulakkeerinninniarpoq.

Namminersorlutik Oqartussat isumannaallisaanermut periusissiaqarput, aarlerinaataasinnaasut allanngorarneri malillugit nutarterneqartartumik. Tamatuma saniatigut isumannaallisaanermut politikkimik suliaqartoqarnikuvoq, aammattaaq taanna teknologi'p aamma atortut nutaat atorneqalernerini nutarterneqartarluni. Digitalimik Sullissinermut Aqutsisoqarfik IT'eqarnikkut isumannaallisaanermi

ilitsersuummik ineriartortitsilluni suliaqarpoq, taanna Namminersorlutik Oqartussani atorfilinnit tamanit atorneqassalluni.

IT'eqarnikkut isumannaallisaanermi ineriartortitsinermik sulineq IT'eqarnikkut isumannaallisaanermik suliaqartut arlallit suleqatigalugit suliarineqarpoq, Forsvarets Efterretningstjenestemik (FE) aamma Politiets Efterretningstjenestemik (PET) oqaloqatiginnittarnerit ingerlaavartumik pisarlutik, aammalu tamatuma saniatigut FEp ataani Center for Cybersikkerhedimik suleqateqarneq pisussanngorluni.

Inussiarnersumik inuulluaqqusillunga
Med venlig hilsen



Doris Jakobsen